

Pablo Timoteore ape pūrī ojanemo'que ni'i

A'ti pūrī a'tiro weero ojanopā nise ni'i

Pablo Timoteore Romapū bu'iri da'reri wi'ipū nígū, ojacū niwī. Cū Timoteore ojamū'tāca pūrīrē a'tiro ojacū niwī: “Yū'u bu'iri da'reri wi'ipū nise wapa nipe'tiropū Jesucristo ye queti se'saro wee'e”, ni ojacū niwī. A'ti pūrīma ti pūrī weronojō ojaticū niwī. Asia di'tacjārā cūrē bu'iri da'reri wi'ipū nicā, bopoyasācārā niwā. Tojo weegū nipe'tirā cō'awā'cāno'caro weronojō tū'oña'cū niwī. Luca, tojo nicā Onesíforo ya wi'icjārā dia'cū cūrē wācūtutuacā wéerā, bu'iri da'reri wi'ipū nigūrē bopoyasāticārā niwā. Pablo “Ni'cūta nisa'a” ni tū'oña'gū, cū me'rācjārā waro Timoteore, Marcore cū tiropū pijiocū niwī. Troapū cū cūu'que paperare, cū yaro asibusurore miitidutigūnojōta pijiocū niwī. Cū “Maata wērīgūsa'a”, ni wācūcū niwī. A'ti pūrī cū ojatūoca pūrī ni'i.

Pablo Timoteore oja'que ni'i

¹ Yū'u Pablo Jesucristo besecū'cū ni'i. Cū yū'ure Ō'acū haronojōta cū ye quetire weredutigū o'ówī. A'te queti a'tiro ni'i. Ō'acū “Jesucristore ējōpeorārē catinu'cūcā weeguti”, nicū niwī. Cū ní'caronojōta yū'ure tere weredutigū o'ówī.

² Timoteo, mū'urē yū'u maigūrē oja'a. Mū'u Jesucristo ye quetire yū'u wercā, añurō ējōpeowū. Tojo weegū mū'u yū'u macū weronojō ni'i. Ō'acū marī pacū, tojo nicā Jesucristo marī wiogu mū'urē añurō weeato. Pajaña'to. Mū'urē ejerisājācā weeato.

“Jesucristore ějōpeorā āpērārē a'tiro weeru'a'a” nise ni'i

³ Y'u'u Ō'acūrē sērīsetirinucū m'u'urē wācū'u. M'u'urē wācūgū, ñamip'u, u'mucop'u Ō'acūrē e'catise o'o'o. Cūrē y'u'u ñecūsūmua ějōpeoseti'caronojōta ějōpeo'o. Y'u'u bu'iri moogū tu'oña'gū, cūrē ějōpeo'o. ⁴ Timoteo, m'u'urē pūrō wācū'u. Y'u'u m'u'u tirop'u ní'cu wijacā, m'u'u uti'quere wācūnu'cūcā'a. M'u'urē pūrō ĩ'asī'rīsa'a. M'u'urē ĩ'agū, e'catiguti nīgū, tojo wācū'u. ⁵ M'u'u Jesucristore queoro ějōpeosere y'u'u wācū'u. M'u'u ni'cārōacā ějōpeosere m'u'u ñecō Loida, tojo nicā m'u'u paco Eunice ějōpeomū'tāwā. M'u'u quē'rā tereta ějōpeosirutugu wee'e.

⁶ Tojo weegu m'u'u a'tiro weecā u'a'a. Ō'acū m'u'urē weeduti'quere tutuaro me'rā weenu'cūcā'ña. Toduporo y'u'u m'u'urē ñapeocā, Ō'acū m'u'urē añuse masīsero o'owī. Tere nemorō añurō weenu'cūcā'ña. ⁷ Ō'acū marīrē Espīritu Santure o'ówī. Cūrē o'óg'u, uidutig'u mejēta o'owī. Tojo o'og'u, tutuase o'og'ure, ma'ise o'og'ure, queoro wācūse o'og'ure o'owī. ⁸ Tojo weegu marī wiogu ye quetire weregu, bopoyaticā'ña. Y'u'u quē'rārē Jesucristo ye queti bu'ese wapa, bu'iri da'leri wi'ipu y'u'u dujicā, bopoyasāticā'ña. A'tiro pe'e weeya. Jesucristo ye quetire wereya. Tojo werese bu'iri m'u'u quē'rā ña'arō y'u'rūgusa'a. Tojo wa'acā ĩ'agū, “Añurōsa'a”, niña. Ō'acū m'u'urē tutuaro o'oro pōtēorō tojo weeya. ⁹ Ō'acū marīrē pecame'ep'u wa'abo'cārārē y'u'rūweticā weewī. Cū añurō weecā uagu, cū uaro weedutig'u marīrē besecu niwī. Marī añuse weesetisere ĩ'agū mejēta besecu niwī. Cū pe'e marīrē añurō weesī'rīgū besecu niwī. A'tiro ni'i. Ō'acū marīrē ma'ígū, Jesucristo marīrē y'u'rūoatjere wācūcu niwī. Tere a'ti turi weese duporo wācūtojacu niwī. ¹⁰ A'tocateroma marīrē y'u'rūogu, Jesucristo a'tise me'rā cū ma'isere ĩ'owī. Marī pecame'ep'u wa'abo'cārārē

yu'rɔweticã weewĩ. Tojo nicã a'tiro masĩcã weewĩ. Marĩ cũ yu'rɔose quetire tu'o ẽjõpeorã, catinu'cũrãsa'a nisere masĩcã weewĩ.

¹¹ Õ'acũ te quetire yu'ure weredutiwĩ. Judío masã nitirãrẽ bu'edutigũ yu'ure besecúúwĩ. ¹² Te quetire werese bu'iri yu'u pũrõ pi'eti'i. Tojo pi'etimigũ, bopoyawe'e. Yu'u Jesucristore masĩ'i. "Cũ ní'quere queorota weegusami", ni'i. Cũ tutuagũ nimi. Yu'ure te queti wereturiase cũu'quere añurõ co'teyapada'reogusami. "Téé apaturi a'tigũpũ, co'tenu'cũgũsami", ni'i. Tojo weegũ yu'u ne bopoyawe'e.

¹³ Yu'u mũ'urẽ bu'e'quere queoro bu'ewã'cãña. Añurõ ẽjõpeosetiya. A'merĩ mal'ĩa. Marĩ Jesucristo me'rã ní'ra, tojo weemasĩ'i. ¹⁴ Espíritu Santu marĩpũre nimi. Cũ weetamuse me'rã Õ'acũ mũ'urẽ weredutigũ cũu'quere añurõ bu'eya.

¹⁵ Mũ'u masĩtoja'a. Nipe'tirã Jesucristore ẽjõpeorã, Asiãcãrã yu'ure cõ'awijape'tia wa'awã. Na wa'tero ní'cãrã quẽ'rã Figelo, tojo nicã Hermógenes mejãrõta weewã. ¹⁶ Onesíforo pũrĩcã tojo weetiwĩ. Õ'acũ cũrẽ, cũ ya wi'icãrãrẽ pajaña'gũsami. Pejetiri Onesíforo yu'ure wãcũtutuacã weewĩ. Apeye quẽ'rãrẽ yu'u bu'iri da'reri wi'ipũ nimicã, yu'ure bopoyasãtiwĩ. ¹⁷ A'tiro pe'e weewĩ. Cũ Romapũ ejagũ, yu'ure ɔpũtũ a'macũ niwĩ. Téé bocagũpũ, a'madu'uwĩ. ¹⁸ Marĩ wioğũ masãrẽ beseatji nũmũ Onesíforore pajaña'to. Cũ marĩrẽ Éfesopũ weeta-mu'quere mũ'u añurõ masĩsa'a.

2

Pablo Timoteore queoro weedutise ni'i

¹ Timoteo, mũ'u yu'u macũ weronojõ nigũrẽ a'tiro nigũti. Jesucristo mũ'urẽ añurõ weemi. Tojo weegũ cũ weetamuse me'rã cũrẽ ẽjõpeonu'cũcã'ña. ² Yu'u

pājārã masã tu'oropu bu'e'quere wereturiaya. “Ã'rãta yu'u bu'esere ãpẽrãrẽ queoro wereturiatu'sama” ni, mu'u ï'arãnojõrẽ wereya.

³ Mu'u Jesucristo ye quetire werese bu'iri mu'urẽ ña'arõ wa'arosa'a. Ûsãrẽ wa'a'caro weronojõ wa'arosa'a. Mu'urẽ tojo wa'acã, wãcütutuaya. Surara weronojõ weeya. Cũrẽ mejẽcã wa'acã, wãcütutuasami. ⁴ Surara cũ wiogu dutise dia'cũrẽ weesami. Surara nitigu weronojõ weetisami. Tojo weegu mu'u cũ weronojõ weeya. Jesucristo ye dia'cũrẽ weeya. ⁵ Apĩ quẽ'rã omarĩ masũ cũ wiorã dutisenojõrẽ queoro weetigu, wapata'atisami. Na cũrẽ o'obo'quere o'otisama. Tojo weegu añuse bocasĩ'rĩgũ, Jesucristo duti'quere queoro weeya. ⁶ Ni'cũ wesepe añurõ da'ragunojõ ti wese cjase ducatisa me'rã dua wapata'amasisami. Mu'u te weronojõ Õ'acũ ye cjasere añurõ bu'égũ, te wapa mu'u quẽ'rã wapata'amasĩ'i. ⁷ Yu'u weresere wãcũnurũña. Mu'u tojo weecã, marĩ wiogu nipe'tisere mu'urẽ masicã weegusami.

⁸ Jesucristore wãcũña. Cũ wẽrĩ'cu nimigũ, masãcu niwĩ. Cũta duporocjũ wiogu Davi pãrãmi nituriagu nimi. Yu'u Jesucristo ye añuse quetire weregu, tereta werewu. ⁹ A'te queti werese bu'iri yu'u pi'etisa'a. Yu'u ña'arõ weegũ weronojõ bu'iri da'reri wi'ipu ni'i. Õ'acũ ye queti pũrĩcã nipe'tiropu nibi'atoja'a. Yu'ure bu'iri da'reri wi'ipu bi'adupo'que weronojõ niwe'e. ¹⁰ Tojo weegu yu'u pi'etimigũ, wãcütutua'a. Õ'acũ bese'cãrãrẽ añurõ wa'ato nĩgũ tojo wee'e. Na quẽ'rã marĩ weronojõ Jesucristore ãjõpeorã, yu'rũono'rãsama. Añubutiasere bocarãsama. Catinu'cũcã'rãsama. Tojo weegu nipe'tisere wãcütutua'a.

¹¹ A'tiro nise diacjũta ni'i:

Marĩ Jesucristore ãjõpeose bu'iri ãpẽrã wẽjẽbosama. Na tojo wẽjẽcã, marĩ Jesucristo me'rã u'musepeu catinu'cũrãsa'a.

¹² Marĩ pi'etirã wãcūtutuarã, cã wiogũ nirõpũ cã me'rã wiorã nirãsa'a.

“Cãrẽ masĩtisa'a” nicã, cã quẽ'rã marĩrẽ “Masĩwe'le”, nigũsami.

¹³ Marĩ cãrẽ añurõ ãjõpeotimicã, cã pe'le nipe'tise “A'tiro weeguti” ní'quere queoro weenu'cũsami.

Õ'acũ ne ni'cãti nisoomasĩtisami.

Pablo Timoteore queoro bu'edutise ni'i

¹⁴ Mũ'u bu'erãrẽ a'te dũporo yũ'u oja'quere wãcũdu-tiya. ãpẽrã ucũsetirinũcũ “Tojo mejẽta ni'i”, nisama. Diacjũ marĩ wiogũ tu'oropũ na tojo nisetisere du'udu-tiya. Te ucũse wapamarĩ'i. ãpẽrã wãcũsere dojorẽma.

¹⁵ Mũ'u pe'le Õ'acũ yere añurõ bu'eya. Tojo nicã cã yere queoro weeya. Mũ'u tojo weecã ã'agũ, mũ'urẽ “Añurõ weemi”, nigũsami. Queoro wéégũ, mũ'u da'rasere bopoyasome. Diacjũ cjasere Jesucristo ye quetire queoro wereturiaya.

¹⁶ A'ti turi cjase diacjũ nitisere na ucũcã, ucũtamuticã'ña. A'tiro ni'i. Tere ucũrã, nemorõ siape me'rã ña'arã wa'asama.

¹⁷ Na bu'ese marĩ urũpũ cãmi boase'saro weronojõ ãpẽrãrẽ pẽ'rĩpejawã'cãsa'a. ã'rã pũarã Himeneo, Fileto te boase weronojõ masãrẽ bu'érã, dojorẽma.

¹⁸ ã'rã Õ'acũ ye quetire queoro bu'etima. A'tiro nima: “Masã wẽrĩ'cãrã masãtojacãrã niwã”, nima. Na tojo nicã tu'orã, ãpẽrã “¿Ûsã de'ro ãjõpeorãsariba?” ni wãcũma.

¹⁹ Õ'acũ cã ucũse cũu'que pũrĩcã tutuari wi'i yeenu'cõ'que weronojõ ni'i. Cã ye queti ne dũcayuwe'e. A'tiro ni'i. “Marĩ wiogũ Jesucristo cã yarãrẽ masĩsami.” Tojo nicã “Nipe'tirã 'Jesucristo yarã ni'i', ni wãcũrã ña'arõ weesere du'uatõ.”

²⁰ A'te queosere wereguti. Ni'cã peje cũogũ ya wi'ipũre peje bapari nisa'a. Uru me'rã wee'que pari, plata me'rã wee'que pari nisa'a. Tojo nicã apeye yucũ me'rã wee'que pari, di'i me'rã yee'que pari nisa'a. Bosenũmũ nicã añuse

parire na ba'awuaropu peosama. Apeye parire mejō nirī nūmū peosama. ²¹ Marī a'te weronojō ña'asere weetirā, bosenūmū nicā añuse pari peose weronojō nirāsa'a. Marī wioḡu yarā waro nirāsa'a. Cū nipe'tise añurō weedutisere queoro weerāsa'a.

²² Tojo weegū mū'u ma'mapjia na ɰaripejasenojōrē weeticā'ña. Queoro weeya. Jesucristore ējōpeoya. Masā quē'rārē ma'iña. Tojo nicā a'mequēse marīrō niña. Nipe'tirā queoro weerá Ō'acūrē ējōpeorā me'rā añurō nicā'ña. ²³ Āpērā tojo ucūma'acā, na me'rā ucūtamuticā'ña. Na tū'omasītima. Mū'u masī'i, na tojo ucūrā na ɰaro a'metu'tiyapatisama. ²⁴ Mū'u marī wioḡure da'raco'tegū ni'i. Ne a'metu'titicā'ña. A'tiro pe'e weeya. Nipe'tirā me'rā añurō niña. Narē añurō bu'e, na mū'urē ña'arō weesī'ricā, tojo tū'oña'cā'ña. ²⁵ Mū'u bu'esere tū'osī'rītirārē añurō pajaña'se me'rā narē “A'tiro pe'e añurō weeya”, niña. Ō'acū na ña'arō wee'quere dūcayugusami nígū, tojo niña. Na dūcayurā, diacjū cjasere ējōpeorāsama. ²⁶ Mū'u narē tere werecā, tū'omasīrāsama. Tojo weerā wātī yarā, cū dutiro weemi'cārā yū'rūwetiwijarāsama.

3

“A'ti turi pe'tise dūporo dicuse ña'ase wā'cārōsa'a”
nī'que ni'i

¹ Mū'u a'tere tū'omasīña. A'ti turi pe'tise dūporo peje ña'ase wā'cārōsa'a. A'tiro wa'arosa'a. ² Masā na ye cjase dia'cūrē ɰarāsama. Niyerure ɰaripejarāsama. “Āpērā yū'rūoro añuyū'rūnū'cā'a”, ni wācūrāsama. Masībutiarā weronojō ucūma'arāsama. Ō'acūrē ɰatirā, ña'arō cūrē ucūrāsama. Na pacusumɰarē yū'rūnū'cārāsama. Āpērā narē añurō weemicā, “Ūsārē añurō weeapū”, ne nisome. Narē e'catise

o'osome. Wiopesase me'rã Õ'acūrē ējōpeosome. Marĩ ējōpeosetisere mejō nisere weronojō wācūrāsama. ³ Ne āpērārē ma'isome. Pajaña'se moorāsama. Ucjasepijarā nirāsama. Na no'o űaro ña'arō weesĩ'rísere weerāsama. Āpērārē ña'arō pi'eticā weerāsama. Ne cā'rō añusere űasome. ⁴ Na me'rācjārā nimi'cārārē ña'arō weerāsama. No'o űaro weema'acā'rāsama. Na űpũtũ “Āpērā yũ'rũoro añuyũ'rũnũ'cā'a”, ni wācūrāsama. Õ'acũ pe'ere wācūrōnojō o'orā, e'cati nisetisenojō dia'cūrē wācūrāsama. ⁵ Õ'acūrē ējōpeorā weronojō weesoorāsama. Na weesetise me'rã pe'e Õ'acũ tutuasere “Tojo niwe'e”, nirāsama.

Nanojō me'rã ne cā'rō ba'patima'aticā'ña. ⁶ Na tojo weerānojō a'tiro weesama. Ucũme'ríse me'rã wi'seripũ sājāasama. Sājāa, numia tiro todũporo ña'arō wee'cārā bu'iritirā, wācūtutuatirārē nisoo dojorēsama. Narē mejēcā ējōpeocā weesama. Na numia nipe'tise ña'arō weesere űaripejasama. ⁷ Nipe'tise bu'esere masĩsĩ'rĩmirā, ne diacjũ cjasere masĩtu'ajatisama. ⁸ Numiarē nisoori masā pũarā Janes, Jambres weronojō nima. Na dũporopũ Moisé nícateropũre na Egiptocjārā tu'oña'rĩ masā nicārā niwā. Na Moisére ĩ'atu'ticārā niwā. Diacjũ cjasere ne űaticārā niwā. Na weronojō ā'rā quē'rā diacjũ cjasere űatima. Ña'arō wācũpo'cārā ne queoro ējōpeomasĩtima. ⁹ Na ucũma'ase maata pe'tirosa'a. Nipe'tirā na ucũcā tu'orā, “Tojo nima'arā weema”, nirāsama. Moisére űati'cārā Janes, Jambrete weronojō wa'arosa'a. Titapũre na nima'asere masā masĩcārā niwā. Mejārōta tja ā'rā quē'rārē na nima'asere masĩrāsama.

Pablo Timoteore “A'tiro weeya” cũ nitũo'que ni'i

¹⁰ Mũ'ũ pũrĩcā yũ'ũ bu'ese nipe'tisere añurō masĩ'i. Yũ'ũ weesetisere, yũ'ũ weesĩ'rísere masĩ'i. Tojo nicā yũ'ũ Õ'acūrē ējōpeosere masĩ'i. Āpērā queoro weeticā,

yũ'u tojo tu'oña'sere mũ'u masĩ'i. Yũ'u ma'isetisere, mejẽcã wa'acã wãcũtutusere mũ'u masĩ'i. ¹¹ Masã yũ'ure ña'arõ weecã, pi'etiũ. Nipe'tise a'te macãrĩũ wa'a'quere mũ'u masĩ'i. Antioquíapũ, Iconiopũ, Listrapũ yũ'u pi'eti'quere mũ'u masĩ'i. Pi'etisetirinũcũ marĩ wiogũ yũ'ure yũ'rũweticã weewĩ. ¹² Diacjũta ni'i. Jesucristore ějõpeorã nipe'tirãrẽ Õ'acũ ãaronojõ añurõ weesĩ'rĩrãrẽ ãpẽrã ña'arõ weerãsama. ¹³ Ña'arĩ masã, tojo nicã nisoori masã nemorõ ña'arõ weenemopeorãsama. Nisoonemowã'cãrãsama. Nisoorã nimirã, na quẽ'rã nisoono'o, ějõpeorãsama.

¹⁴ Mũ'u pũrĩcã mũ'urẽ bu'e'quere queoro ějõpeonu'cũcã'ña. Queoro weeya. Mũ'u tere “Diacjũta ni'i”, nisa'a. Mũ'u mũ'urẽ bu'e'cãrãrẽ masĩ'i. ¹⁵ Mũ'u wĩ'magũpũta Õ'acũ ye queti ojãca pũrĩ cjasere masĩnũ'cãwũ. Tere bu'égũ, mũ'u Õ'acũ yere masĩwũ. Masĩ, Jesucristore ějõpeose me'rã yũ'rũono'wũ. ¹⁶ Õ'acũ ye queti ojãca pũrĩ cjasere ojadutigũ, cũ masĩse o'ose me'rã ojaduticũ niwĩ. Te oja'quere bu'érã, diacjũ nisere masĩno'o. Marĩ ña'arõ wee'que quẽ'rãrẽ “Ña'a ni'i”, nino'o. Marĩ ña'arõ wee'quere ðũcayumasĩcã wee'e. Tere bu'érã, queoro weenu'cũmasĩ'i. ¹⁷ Õ'acũ cũ yarãrẽ nipe'tise añurõ weesere weemasĩato nígũ cũ ye cjasere ojaduticũ niwĩ.

4

¹ Jesucristo nipe'tirã wiogũ tutuaro me'rã a'tigusami. A'tigũ, masã catirãrẽ, wẽrĩ'cãrãrẽ besegusami. Õ'acũ, tojo nicã Jesucristo tu'oropũre mũ'urẽ a'tiro weedu'ti'i. ² Masãrẽ Õ'acũ ye quetire wereya. Nipe'tise-tiri masã tu'osĩ'rĩcã, wereya. Na tu'osĩ'rĩticã quẽ'rãrẽ, werenu'cũcã'ña. Mũ'u weresere tu'orã, ějõpeorãsama. Na queoro weeticã, tu'tiya. “A'tiro weerũa'a”, niña.

Narē bu'égũ, queoro pajaña'se me'rã wereme'rĩcã'ña. ³ Be'ropũre masã añuse bu'esere uatirãsama. Tojo weegũ a'tiro nicãrē queoro bu'ewe'oya. Be'ropũre a'tiro wa'arosa'a. Na, na uaro weerãsama. Na tu'otu'sase dia'cũrē tu'osi'rĩrãsama. Tojo weerã tere bu'eajã pãjãrãrē a'marãsama. ⁴ Na dia'cjũ cjasere tu'osome. Nipe'tise no'o werema'ase pe'ere tu'orãsama. ⁵ Timoteo, mu'ũ pũrĩcã queoro wãcũña. Mu'ũ Jesucristo ye quetire werecã, masã mu'ũrē ña'arõ weerãsama. Na tojo weecã, wãcũtutu-aya. Jesucristo masãrē yu'rũomi nise quetire du'ucũurõ marĩrõ werenu'cũcã'ña. Mu'ũrē weeduti'quere weetu'a-janũ'cõña.

⁶ Yu'ũ wẽrĩatjo cã'rõ du'sa'a. Yu'ũre masã Õ'acũrē wa'icũrãrē ãjũamorõpeo'caro weronojõ wa'arotiro wee'e. Tojo weegũ mu'ũrē tojo duti'i. ⁷ Yu'ũ Jesucristo ye quetire weregũ, nipe'tise yu'ũ tutuaro põtëorõ weewũ. Nipe'tise Õ'acũ yu'ũre duti'quere tu'ajatoja'a. Ne cũrē ëjõpeodu'uwe'e. ⁸ Ni'cãrõacãrē majã Õ'acũ yu'ũre añurõ wee'que wapa o'oa'tje du'sa'a. Marĩ wio'gũ Õ'acũ masãrē beseatji nũmũ nicã, yu'ũre o'ogũsami. Cũ masãrē queoro besemi. Yu'ũ dia'cũrē o'osome. Nipe'tirã cũrē ëjõpeorã cũ a'tiatjere uarãrē o'ogũsami.

Pablo cũ ye cjasere were'que ni'i

⁹ Mu'ũ põtëorõ a'tita basioro yu'ũ tiropũ maatacure ñ'agũ a'tia. ¹⁰ A'tiro ni'i. Crescente wãmetigũ Galacia wãmetiropũ wa'awĩ. Tojo nicã Tito Dalmaciapũ wa'awĩ. Demas pũrĩcã a'ti turi cjasere nemorõ ma'iyu'rũnũ'cãgũ, yu'ũre cõ'awã'cã wa'awĩ. Cũ Tesalõnicapũ wa'awĩ. ¹¹ Luca dia'cũ yu'ũ me'rã nimi. Marcure a'maña. Mu'ũ me'rã a'tiato. Cũ yu'ũre weetamusere u'a. ¹² Yu'ũ Tíquicore Éfesopũ o'ówũ. ¹³ Mu'ũ a'tigũ, yaro su'tiro asibusuro bu'icjãrõrē miitia. To Troa wãmetiri macã Carpo ya wi'ipũ

nisa'a. Yé papera tūrūrĩrē miitia. Wa'icurã caseri me'rã oja'que yé caserire acobojotibutiacaña.

¹⁴ Alejandro cōme me'rã da'rari masũ yu'ure ña'abutiario weewĩ. Õ'acũ marĩ wioḡu cũ wee'caro ejatuario cūrē bu'iri da'reḡusami. ¹⁵ Mu'u pūrĩcã cūrē tu'omasĩa. Cũ marĩ bu'esere ne uatiyu'ruami.

¹⁶ Ne waro wiorã yu'ure sērĩtiña'cã, ne ni'cũ yu'ure weetamutiwĩ. Nipe'tirã yu'ure cõ'awã'cã wa'awã. Õ'acũ na tojo wee'quere acobojocã u'a. ¹⁷ Õ'acũ pūrĩcã yu'ure weetamuwĩ. Yu'ure tutuase o'owĩ. Tojo weeḡu wiorãrē yu'u a'tiro werewu. Jesucristo masã ña'arõ niseti'quere yu'ruomi nise quetire narē werepe'ocã'wũ. Nipe'tirã a'ti umucocjãrã judío masã nitirã te quetire tu'oato níḡũ tojo werewu. Apeye quē'rãrē Õ'acũ yu'ure a'tiro weewĩ. Yaiwa ba'ano'bo'cure weronojõ wiose wa'teropu nigūrē yu'ruweticã weewĩ. ¹⁸ Tojo nicã nipe'tise yu'ure be'ropu ña'arõ weeatjere yu'ruweticã weeḡusami. U'musepu cũ wioḡu nirõpu yu'ure miagũsami. Masã Õ'acũrē añurõ ucũnu'cũato. Tojota wa'ato.

Pablo añudutiu'o'que ni'i

¹⁹ Prisca, Aquila añuato. Tojo nicã Onesíforo ya wi'icjãrã quē'rã añuato. ²⁰ Erasto Corintopu tojaque'awĩ. Trófimoma dutitigure Miletopu cõ'awã'cãtiwu. ²¹ Mu'u põtëorõ a'tita basioro pu'ecu daporu a'tia. Eubulo, Pudente, Lino, Claudia, nipe'tirã marĩ acawererã mu'urē añudutima.

²² Jesucristo marĩ wioḡu mu'u me'rã niato. Õ'acũ musã nipe'tirãrē añurõ weeato.

Tocã'rõta oja'a.

Pablo

Õ'âkã hi yeere uúkũri turi Tukano
New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

